

درسعادته ياب عالی جوارنده
اداره مخصوصه

محل اداره :

مُشَاطَرَةُ الْقُرْبَى

۱۳۲۶

اخطار :

مسلكونه موافق آثار جديده مع المنوويه
قبول اولنور
درج ايده بين آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بردفعه نشر اولنور.

درسعادته نسخه سى ۵۰ پاره در

صاحب و مؤسلى :

ابوالعلا زين العابدين — ح. اشرف اديب

تاريخ تأسيسى

آبونه بدلى

قيراهدن مقوا بورو ايله كوندر بليسه سنوى
۲۰ غروش فضله آلير

۱۰ تموز ۳۲۴

غروش

التى آيلنى

سنه لکى

هر طرف ايچون

»

۴۰

۸۰

معانی لغویه و شرعیه لری طلبیه بالتفصیل ا کلا تلاقیدن صکره الک مهم اولان جهت فلسفیه لری و مشتمل اولدقلری حکمیات نامتناهیته ک ولو بر قسمی اولسون ایضاح ایدیلمی که . افقهدن عبادات ، معاملات وعقوبات بابلری فلسفه لریله برابر تدریس اولنمالی . تاکه هر آن آوروپا میسیونرلری ، طرفسندن هدف تعرض اولان دین مقدسمری حمایه و اونلرک تجاوزاتی بحق مدافعه و عصرلردن برو عنصر اسلام بیننده یرلشمش بر طاقم اعتقادات باطله و تعصبات جاهلانیه ک کو کندن قیروب آتمیه مقتدر فیلسوفلر ایله غوامض فقهیه و واقف بحق قاضی و مفتی دنیه چک ذوات کرام یتشدیریه بیاسون .

برده تدریسات لسان عربی اوزره اولمی . و بونکه برابر فارسی لسانی بر طرز مفید اوزره تعلیم ایدیلوب عربی و فارسی تکلمه مقتدر طلبه لری یتشدیرلمی که کسب ایتدکلری فیض معارف پک محدود بر محیطه منحصر قالیوب بالعکس بر طرفدن جزیره العرب دیگر طرفسندن ماورالثره قدر کیدوب نشر معارف ایله اعلام کله الله بحق ایضای خدمت ایتسونلر . حتی انکلیزجه و یافرانسزجه لسانی ده تدریس اولنمالی که بوندن صوکر آوروپایه کوندریه چک طلبه لرمز بیننده علوم دینه منتسبلرندن ده اوج بش افندی بولنسون ده اولرده بر درجه یه قدر فنون غریبه یه کسب و قوف ایدره ک بوملته بحق خدمت ایتسونلر . دینلمسونکه برخواجه ایچون آوروپایه کیتک نه یه لازم ؟ البته لازمدر . چونکه خواجه لرمزک اک بیوک وظیفه لرندن بری ده اهالی یه وعظ سویله مک و اونلری الات جدید صناعیه و زراعیته ک استعمالنه و بالاخره مملکت مزده متعدد فابریقه لر و دارالصناعه لر تأسیس نه ترغیب و تشویق ایتک دکلی ؟ ایشه بو وظیفه یی حقیله ادا ایده بیلمک ایچون واعظ محترم خواجه افندی ک ولو بر درجه یه قدر اولسون فنون مذکورده دن بهره دار اولماسی البته لازمدر ، ظن ایدرم . بونکه برابر اهالی اوزرنده ناقابل انکار سیوک بر نفوذ و تأثیرلری اولان طلبه علمیه ک تنویر افکارینه خادم دینی ، اجتماعی ، تاریخی و فلسفی قونفرانسلرده علاوه اولنمالی . بونلریا پیلمه دن یالکیز معلملرک تنسیقاتیه اکتفا اولنورسه « غمدمن ذهب علی سیف من خشب » قیلندن اولوب فائده مطلوبه استحصال ایدیلنه مز .

تعداد ایتدیکم موادک بر آن اول حصوله کلسی بنمله برابر صنف آرقداش لرندن اکثری ده آرزو ایتدکلرینی محترم مدیر لرمزک و یکانه رهبر لرمز اولان بالعموم مملدین کرام حضراتنک نظر تدقیقلرینه کمال احترامله عرض ایلرم .

سیریالی : عالم جان الادریسی

الواح انتباه :

مهم بر مباحثه

انکلتزه عوام قاره سنک کچن نچشنبه کونکی اجتماعنده اعضادن مستر دیلون روسیه زندانلرنده بولنان پولتیقه محکوملرینه قارشو روا کوریلن سوء معامله نک نظر دقتی جلب ایدوب ایتدیکنی و بومعاملاتدن

وسنته مخالف بولندیجی جهته مردوددر . قاعده مذکوره فقهاء عظام افندیلریمزک تنصیصلرینه مخالف اولمیان ماده لرده جاری اولدیجی جهته عمومی اوزره مرعی دکلد . فقهاء کرام افندیلریمز ، کتاب ، سنت و اجماع امتدن اقتباس ایدرک قاضی یه مدار حکم اوله حق حجت یدی یه منحصردر دیدیلر . برنجی بینته عادل ، ایتکنجی اقرار ، اوجنجی یمیندن نکول ، دردنجی یمین ، بشنجی قسامه ، آلتنجی تولیتدنصکره تحدث ایدن علم قاضی ، یدنجی قرینه قاطعه در . فنو . عرف بو یدی ایچنده معدود دکل ایکن شهادت شهوده قیاساً مدار حکم قیلمقده اجتماع مطلق مرتبه سنه خطوه انداز اولدیجی بی اشتباهدر . شاید آخر زمانده فنو غرافک شاهدلکی نظر شارعه جائز اولسه یدی اولین و آخرینک اخبارینی افندیمن محمد مصطفی صلی الله علیه و سلمه بیلدیرن علام الغیوب آخر زمانده فنو غرافک تحدث ایدوب شاهدین مقامنده طوتیه جعفی بیسان بیورر ایدی متبوع معظمین افندیمن دخی امت و اصحابنه بیان بیورورلر ایدی . مادامکه فنو غرافک شهادتی کتاب اللهده ، حدیث نبویه ، اجماع امتده ، قیاس فقهاده بیان اولنماشدر . او حالده فنو غرافک شهادتی باطلدر . اللهم ارنا الحق حقاً فارزقنا اتباعه و ارنا الباطل باطلاً فارزقنا اجتنابه .

بولو ایدندن مدرس یونس زاده

احمد وهبی

دارالفنونده تدریسات

۷۱۸۷ نومرولو صباح غزته سنده « مکاتب عالیه معلملرینک تنسیقاتی » عنوانیه درج ایدلش مقاله یی اوقویوب جدا نمون اولدم . چونکه هر کون جریده لری الیه آلدیمن وقت ایلک آرادیمن شی معلملر و درس لر تنسیقاتی ایدی . بو نمونیتیمی وعن صمیم القلب تشکراتیمی مرجعه تقدیمه برابر اهل عرفانک و بالخاصه دارالفنون مدیر اول و ثانیلرینک نظر موشکافانه لرینه یوقاریده کی تنسیقک توأمی اولان ایتکنجی بر تنسیقیده عرضه جسارت ایدیورم .

دارالفنون الهیات شعبه سی منتسبلرندن اولدیغمدن اک زیاده هدفی نظرم اولان ده دینه شعبه سیدر . معلملر تنسیقات یایلمش . چوق کوزل اولمش . یایلمسی لازم اولان برشی ایدی . ظنمجه بوندن ده الزم اولان درس لرده تنسیقات اجرا سیدر .

درس لرده تنسیقات یایله جقمی ؟ یا خود اسکی حمام اسکی طاس دیدکلری کی کنه کچن سنه ده کی طرزده تفسیر اوقنورکن قاضی دن بش سطر اوقنوبده فی نفسه پک محدود اولان بر ساعت ظرفنده اونک تحلیلات صرفیه و نحویه سیله ، فقه اوقنورکن ابتدائی مکتبلرنده تحصیل اولنان اقسام ایله حدیث اوقنورکن بخاری شریفدن یالکیز بر ایکی حدیثک ترجمه سیله و علی هذا القیاس عمر کچیریه جکمی ؟ شمندی اک زیاده ذهنی اشغال ایدن مسئله بوندن عبارتدر . ظن عاجزانمه نظراً تفسیر و حدیث اوقنورکن یالکیز ترجمه لریله اکتفا اولنیموب بونلرک

طولانی از کلتره حکومتی طرفندن پروتستو ایدیلوب ایدلیه جگنی خارجیه ناظرندن سؤال ایتش و بونک اوزرینه آئیده کی محاوره جریان ایلیمشدر :

ناظر — اوروپا دولترینک امور داخلیه سنه متعلق سؤاللره امور مذکورہ معاہدات منعقدہ ایلہ تعین ایدلمش اولان حقوقہ مستند بولندجہ جواب ویرہم .

مستر ریس — روسیہ ده محبوسینه بویله بر معاملہ ایدلیمکنہ دائر معلومات صحیحہ واری می در ؟

ناظر — خیر اقدام، بوبایدہ معلومات موثوقہ یوقدر .

مستر ماق نیل — ناظر محترم ، پرنس قروپاتکین طرفندن بو مسئلہ دایر وقوع بولان بیاناته وروس محبوسینه قارشو اجرا ایدیلن مظالم حقیقہ مملکتیمز اہالیسنک نہ کی بر حس پرورده ایدلیمکنہ واقف می درلر ؟

ناظر بک بوسؤاللره هیچ جواب ویرہم مشدر .

مستر دیلون فرانسز ، اسپانیا وانکلتزه قونسولوساری طرفندن اسرای حربیہ قارشو معاملہ غدارانہ ده بولندیغندن طولانی فاس امیری مولای عبدالحفیظہ مشترک بر پروتستو تبلیغ اولنوب اولندیغنی واکر تبلیغ اولنش ایسہ بردولت اجنبیہ نک امور داخلیه سنہ بو مداخلہ نک فصل معذور کوریله بیله جگنی سؤال ایتشدر .

ناظر — طنجه ده کی انکلز فونسولوسی مراکش ایلہ معاہدہ لری بولنان دول سائر قونسولوساریلہ برلکده مولای حفیظہ مشترک بر نوطہ تبلیغ ایدہ رک اسرایہ قارشو اشکنجه وقوع بولماسی حقندہ تأمینات ایستہ مش و تأمینات مطلوبہ اعطا اولمشدر . ظنہ قالیرسہ فاس احوالی ممالک سائرہ یه قابل قیاس دکدر . دولترک مراکش حقندہ کی مداخلہ سی معذرتدن مستغنی در .

مستر دیلون — انکلتزه حکومتی مراکش کی مستقل ودوست بر حکومت اجنبیہ نک امور داخلیه سنہ مداخلہ ایتکی جملہ وظائفندن عد ایتدی کی حالده عجبا روسیہ نک امور داخلیه سنہ نہ دن مداخلہ ایدہ میور . ایضاح ایدہ بیلیر میسکز ؟

ناظر — روسیہ وفاس احوالی یکدیگریه قابل قیاس دکدر .

مستر ماق نیل — عجبا فاس ضعیف وروسیہ قوتلی درده اونک ایچون می ؟

مستر دیلون — ناظر محترم ، نشر اولنان تفصیلاتک موثوقیتنه جلب نظر دقت بیور مشلری ؟

روسیہ حبس خانہ لرنده جریان ایدن مظالم مراکشده وقوع بولانلر قدر مدہ مددر .

ناظر — بن مراکش محبوسینه قارشو اجرا قلنان اشکنجه لک اوروپا ممالک کنده اجرا قلندیغنی قطعاً رد ایدرم .

مستر پونتر — اسپانیا زندانلرنده کی محکومینه قارشو مظالم اجرا قلندیغندن طولانی اسپانیا حکومتده تبلیغات اجرا قلنه جق می در ؟ ناظر — اوروپا دولترینک امور داخلیه سنہ متعلق سؤاللره جواب ویرہم .

مستر پونتر — عجبا انکلتزه ایلہ اسپانیا تختلری اشغال ایدن حکم ارلر آرہ سنده موجود مناسبات صہریتکارانہ حبسیلہ اسپانیایہ تبلیغات اجرا اولنیمہ جق می ؟

ناظر — اگر بو کی سؤاللره جواب ویرمک لازم کلسہ دول سائرہ دن هیچ بویله مناسبات دوستانہ ده بولنق ممکن اولماز (آلشدر) محاورہ بورادہ ختام بولمشدر .

عالم اسلام

چین مسلمانلری

قیرغیزلر (قازاقلر) :

قیرغیز یرلری مصادره دن قیرغیزلرک متضرر اولدینی ظاہر بر شیدر . اما بومصادره دن حکومتک مستفید اولوب اولندیغنی ده بر ملاحظہ ایدم .

بوندن اولکی مقالہ لر مدہ قیرغیزلرک حیوان بسلامکله وقت کچیر . دکلری یازمش ایدم . روسیہ مملکتینده متمکن بش ملیون قیرغیزلر آسیا صحرائینک قابل اسکان اولان ، اولیان مملکتلرینه منتشر درلر . قیرغیزلر بوجورالده محکم قابلیتی نسبتندہ حیوان یتشدر مملکہ مشغولدرلر . صحرا دنیلورسده صحرائک حالی بک مختلفدر . صحرائک بعض یری قویون یتشدر یرمک ایچون قابلیتی اولورده اورادہ دوه ، آت یتشمز . وبعض محلدہ آت یتشدر قویون ، دوه یتشمز . بعض محلی ده زراعتہ صالح اولور و حیوان ده بسلنیر . قیرغیزلرک اصول معیشتی ایچون بوکی یرلرک جملہ سنہ احتیاج واردر .

قیرغیزلرک بسلدیکی حیواناتدن مملکت داخلنه بک چوق قویون ، اوکوز ، آت آلہ رق روسیہ نک داخلی ولایتلری احتیاجی ایچین صرف ایدیلور . و بو حیوانلردن عسکر احتیاجی ایچون ده بک چوق اوکوز و آت جلب ایدلیمکده در . بوندن ماعدا قیرغیزستانہ قریب بلده لر واسطه سیله قیرغیز صحرائلرندن کلیتی قویون ، اوکوز جلب ایدیلرک قیشین صغوق وقلرنده کسیلوب صغوقده طوندیریلوب شند وقرله روسیہ ایچروسنه کوندرلیمکده در . بوکیفیتدن نہ قدر حیوان کسلدیکیکی بیلیمک ایچین اورمبورغ ، سیمپالاتینسکی ، پتروپاولوسکی کی اہالی اسلامیه سی چوق شہرلرک قصابخانہ لرینہ ایچہ دقت لازمدر . مثلاً : سیمپالاتینسکی ده ۳۰۰۰۰۰۰ قیش ۱۰۰۰۰۰ قیون ، ۱۰۰۰۰ اوکوز ، پتروپاولوسکی ده ۳۰۰۰۰۰۰ قیون ، ۲۰۰۰۰ اوکوز ، اورمبورغده ۵۰۰۰۰۰۰ دن زیادہ قیون ، ۵۰۰۰۰ اوکوز کسلدیکیکی کوسترمک کافیدر .

بوضورتده کسيلمش حیوانلرک اتلری روسیہ مملکتک طشر سنہ کوندرلیدیکی کی پایتخت اولان «موسقو» ، پتربورغ ، شہرلرینہ ده کوندریلوب پایتخت اہالیسنک احتیاجہ صرف ایدلیمکده در .